





IN NUPTIAS

Pietate & doctrina ornatissimi juvenis,

Dn. THEODORI FABRICII, SCHOLÆ SERVESTÆ

NAE ΣΤΝΕΡΓΟῦ,

Reverendi & clarissimi viri, Dn. M.

THEODORI FABRICII, Inspectoris & pastoris
quondam Bernburgensis, p. m. filii, SPONSI.

&

Honestissima virginis,

U R S U L Æ,

Celeberrimi viri, Dn. GREG. BERS-

MANI, illustris Soraborum Gymnasti quondam
Rectoris p. m. filie, SPONSÆ.

Anno 1613. die XI. Maji celebrandas.

Carmina nuncupata ab amicis.



SERVESTÆ

Typis Zachariæ Dörfferi,

ANNO 1613.





AD

Virtute & doctrina præditum juvenem,
Dn. THEODORUM FABRICIUM,
Scholæ Servestanæ συνεργόν, Sponsum.

Sors hominum foliis est assimilata caducis,
Quorum aliis lapsis, mox nova suppeditant.
Sic pridem nobis mors, quæ metit omne quod usquã est,
Bersmanum abripuit, Fabriciumq; simul:
Quorum ille Aonidum sectator, quicquid Athenæ,
Noverat, & quicquid Roma vetus docuit:
Hic Verbi exponens divini dogmata, lingue
Ebrææ clarus cognitione fuit.
Horum ne nobis tandem genus omne obolescat;
Sed sint Bersmani, Fabriciiq; novi:
Ecce horum soboles, Theodorus & Ursula, sacri
Inter se pangunt fœdera connubii.
Horum ergo meritò gratamur carmine tædis,
Dicentes: Sponsis sint rata vota novis.

M. Johannes Theo-
poldus.

A 2

AD



AD SPONSVM.

Hæc *Bersmaniaci* pulcherrima planta Roseti
Umbræ committit se, *Theodore*, tuæ.
Tu *Rosulam*, *Theodore*, tuam cape, quam tibi *Donum*
Largitur summi dextra benigna DEI.
Hanc bene si *Rosulam* foveasq; colasq; rigesq;
Et teneras *Rosulas Fabriciosq;* dabit.

Votum.

Vivite felices, felici vivite fato,
Nec turbet vestrum Lis malè-fana torum.

Andreas Josæus Scholæ patriæ Collega.



DECLINATIO NV= PTIALIS.

Toto adamat Sponsus, vero quoq; pectore Christum,
Rursus & is Sponsires adamare solet,
Divine noceant Sponso Cacodæmonis astus,
Queis latro Sponsum perdere sæpe cupit,
Sponse time, cole, Sponse, Deum, cole, dilige Christum,
Ille ut pro Sponso militet ipse suo.

Sunt

*Sunt ergo Sponsi diuino numine Sponsi,
Nomen Sponsorum hinc candidus omnis amat:
Qui malè vult Sponsis, stygium trudatur in orcum,
Autorem ut Sponsos discat habere DEUM:
Estis quid tristes, Sponsi, deponite curas,
Asmodei à Sponsis sit procul omne malum.*

ΕΥΧΗ.

*Adsit, adest, ad erit diuini numen amoris;
Ustulet & sanctus pectora vestra favor:
Absit amoris hyems, crucis absit grando, precamur,
Non breue, sed leue sit, sit quoq; dulce jugum.*

Honoris ergò

Abrahamus Theopoldus Ser-
vestanus Anhaltinus.



EN ductore Deo puella culta,
Fabrici, tibi contigit, quid optem
Formosæ tibi conjugis marito?
Et docti tibi conjugis maritæ?
Vellem digna quidem, velut requiris,

A 3

Tædis

Tædis carmina dedicare vestris,
Verum posse novensiles, polito
Phœbo patre satæ vetant alumnae,
Quin si totum Heliconâ consecrarem,
Undas ac Aganippidos dicarem
Omnes, carmina & universa, tædis;
Ad magmenta tui tamen quod optas,
Voti nil facerent, nihil valerent.
Quare quæ volo, bis decem phaleucis
Ajo: Vivite amore colligati,
Absit lis, querulosa vox; at adsint
Pax & lætitia, & favor perennis,
Post mensesq; decem tenella proles.
Quid possem tibi bis decem phaleucis
Precari melius, yovere majus?

*Godefridus Schauerus
Bernburgensis.*



EPITHALAMIUM.

*Sunt sua virtuti, sua sunt encomia & auro:
Magnus honoris amor, magnus & eris amor:
Fla-*

Flagitat hinc meritò sua laurea premia virtus,
Præmia, quæ nullo sunt moritura die,
Ellogia hinc meritò sua fulvum flagitat aurum,
Quo nihil in toto gratius orbe viget.
Aufert sed palmam, Lauri cum munere, virtus,
Quæ sibi digna suo dona labore parit,
Nam sua sudorem merces ut jure sequatur,
Evincit pietas, fas, ratioq; jubet.
Quid loquor? En superum prodit tibi munere merces,
Et laurus magno digna labore venit:
Cura tibi virtus fuerat, virtute puellam
Es Laurum nactus: Laurus id Ursula adest!
Nactus es insignem formâ & virtute puellam,
Berfmano magno quæ sata patre fuit,
Berfmano, cujus nomen laudesq; manebunt,
Dum Phœbi errabit fulgida stella polo,
Uno quo vivo gaudebant preside Diva,
Calliope, Sophie, Suada, Minerva, Charis:
Uno quo lugent defuncto preside Diva,
Calliope, Sophie, Suada, Minerva, Charis.
Dos opulenta satis; sed dos quia magna metalli
Insuper accedit, dos geminata venit,
Dos geminata venit, gemina & tibi dote puella
Fungitur: ô satis par benè compositum!

Par

*Par bene compositum: Naso mihi testis, is inquit:
Si qua voles aptè nubere, nube pari:
Jungimini eia pares; Juveni est sociata puella
Conditione pari, dote & amore pari.
Conditione pari; quia tu quoq₃, sponse, Parente
Editus, ellogio cujus ego inferior.
Cujus, dum viti contraria brassica, laudes
Alternis Muse, templa, scholeq₃ canent,
Dote pari; geminâ veluti venit Ursula dote,
Sic Aurum & Virtus dos gemina atq₃ tibi est:
Quin & amore pari, quos augeat autor amoris,
Fabricia ut parili crescat amore domus:
Ergo pares estis, Theodoreq₃; & Ursula, sponsi,
Ducis & ipse parem, nubis & ipsa pari:
Par benè compositum! Sponse en gratabor, amice,
Cui par, cui geminâ dote puella venit:
Gratabor quoq₃, sponsa, tibi, bona verba precatus,
Cui par, cui geminâ dote maritus adest:
Junctis quid parili vobis in amore precabor?
Vivite mente pari, vivite amore pari,
Splendeat ac semper vobis fors æqua, superfit
Vita optata polo, vita beata solo.*

Jacobus Cujacius Serve-
stanus Anhaltinus.

Cl 1926

ULB Halle 3
001 556 118




Stk. 6 = Handschrift

Sb.

Paul Friedrich
Buchbindereimeritor
Merseburg a. S.

1017







AS
 tissimi juvenis,
MI FABRI-
ERVESTA-
 ror,
 ni viri, Dn. M.
 spectoris & pastoris
 p. m. filii, SPONSI.
 irginis,
 L Æ,
 . GREG. BERS-
 Gymnastii quondam
 PONSÆ.
 ji celebrandas.
 a ab amicis.

TÆ
 e Dörfferi,
 1613.

